

Pergerakan tanah di Bukit Damansara

Oleh ASSIM HASSAN

KUALA LUMPUR 14 Dis. - Penduduk di sekitar Bukit Damansara di sini gempar apabila berlaku kejadian tanah runtuh dipercayai akibat pergerakan tanah di lereng bukit berdekatan Jalan Setia Bistari 7, malam ini.

Seorang penduduk di kawasan itu, K. Jaya Sekara (**gambar**), 31, berkata, dia menyedari berlaku kejadian itu di lereng bukit setinggi kira-kira 20 meter tersebut apabila terdengar bunyi siren Jabatan Bomba dan Penyelamat serta dari kenderaan polis yang berada di tempat kejadian.

Bagaimanapun, dia tidak mendengar bunyi kuat mahupun mengalami gegaran ketika kejadian berlaku kira-kira pukul 4.30 petang.

"Apabila mendengar bunyi siren bomba, saya bergegas melihat apa yang berlaku dan kemudiannya mendapati berlaku pergerakan tanah di lereng bukit berkenaan," katanya ketika ditemui di sini hari ini.

Menurut Jaya, terdapat sebuah tangki air milik Syarikat Bekalan Air Selangor Sdn. Bhd. (Syabas) di atas bukit tersebut dan ia membimbangkan penduduk yang tinggal di Jalan Setia Bistari 7, Bukit Damansara.


Menurutnya, terdapat kesan runtuh tanah yang kecil di lereng berkenaan terutama di bahagian atas bukit tersebut.

Katanya, kejadian sama pernah berlaku di kawasan tersebut kira-kira enam tahun lalu namun Dewan Bandaraya Kuala Lumpur (DBKL) tidak mengimbas lereng terbabit bagi mengelakkan runtuh yang lebih buruk.

Sementara itu, Penguasa Balai Bomba dan Penyelamat Seri Hartamas, Johari Mohd. Lazim berkata, pihaknya menerima panggilan kecemasan kira-kira pukul 5.05 petang dan tiba di tempat kejadian lima minit kemudian.

Katanya, pergerakan tanah di kawasan itu dipercayai berlaku disebabkan oleh hujan lebat.

Panca pergerakan masuk dalam siasatan dan Rita sedang menunggu Institut Kerja Raya Malaysia (IKR) dan Pasukan Mencari dan Menyelamat Khas Malaysia (Smart) untuk menyiasat kejadian ini," katanya.



ANGGOTA bomba memeriksa kejadian pergerakan tanah di Bukit Damansara, Selangor, malam tadi.